

आकाशवाणी

खबरां ----

1. रक्षा मंत्री राजनाथ सिंह हों सियाचिन ग्लेशियर दा अज्ज दौरा लाया।
2. चुनांस आयोग नै तापमान बदने ते लू दी चेतावनी दे मद्देनजर सरबन्धी बक्ख-बक्ख पक्खें कन्नै बैठक कीती।
3. राष्ट्रपति द्रौपदी मुर्मू हों अज्ज राष्ट्रपति भवन च आयोजित नागरिक अलंकरण समारोह दौरान पद्म पुरस्कार भेंट कीते।
4. लोकसभा चुनाएं दे दुए गेड़ लेई सियासी पार्टिं दा प्रचार जोरें-शोरें कन्नै जारी।
5. बक्ख-बक्ख सियासी पार्टिं दे वरिष्ठ नेता थाहरें-थाहरें रैलियां करा'रदे न। त्रीए गेड़ दे चुनांस लेई नामांकन परताने दा अज्ज खीरी दिन।

<><><><><><>

रक्षा मंत्री राजनाथ सिंह होंरें अज्ज सुरक्षा हालात दा आंकलन करने लेई सियाचिन दा दौरा कीता। उनें माड़े मौसम ते दुर्गम इलाके च उत्थे तैनात सैनिकें कन्नै गल्लबात कीती। उनें माड़े हालात च मातृभूमि दी राक्खी लेई कम्म करै करदे सैनिकें दे जोगदान दी सराहना कीती। सिंह होंरें आखेआ जे राष्ट्र थेआरबंद बलें दे जवानें दा सदा कर्जदार रौहग कीजे उंदे बलिदान दे कारण गै मुख्य दा हर बसनीक सुरक्षित मैहसूस करदा ऐ। उनें आखेआ जे जवानें दा जोगदान औने आली पीढ़िं दा म्हेशां दिल बधांदा रौहग। रक्षा मंत्री होंरें आखेआ जे सियाचिन दलेरी, सबर ते पक्के निश्चे दा प्रतीक ऐ। इस मौके पर उनें आपरेशन मेघदूत दी कामयाबी गी चेता करदे होई आखेआ जे एह् देसै दे फौजी इतिहास दा सनैहरी ध्याs ऐ। आपरेशन मेघदूत गी भारती फौज नै 13 अप्रैल 1984 गी सियाचिन च शुरू कीता हा। रक्षा मंत्रालय मुजब श्री सिंह होंरें सियाचिन युद्ध स्मारक पर पुष्प चक्र अर्पित कीता। इस मौके पर सेना प्रमुख जनरल मनोज पांडे ते फौज दे होर वरिष्ठ अधिकारी बी मजूद हे।

<><><><><><>

ECI

निर्वाचन आयोग नै लोकसभा चुनां दे हर गेड़ सोयां पैहले लू दी स्थिति पर नजर रकाने लेई इक कार्यबल कायम कीता ऐ। एहदे च चुनां आयोग, मौसम विभाग, राश्ट्रीय आपदा प्रबंधन प्राधिकरण ते सेहत मंत्रालय दे अधिकारी शामिल हे। एह कार्यबल लू दे प्रकोप थवां निब्वइने दे उपाएं दी समीक्षा करोग। निर्वाचन आयोग मतदान केंद्रें पर शामियाना, पीने आला पानी, पक्खे ते होर ऐसियां सुविधां यकीनी करने आस्तै राज्य दे मुख चुनां अधिकारिं कन्नै बक्खरे तौर पर बैठक करोग। मुख्य दे किश हिस्सें च सामान्य थवां मता तापमान होने दी खबरें गी ध्यान च रखदे होई निर्वाचन आयोग नै मौसम दी स्थिति पर तक्क रक्खने ते गर्मी कन्नै निब्वइने दे उपाएं पर चर्चा करने आस्तै सरबंधित एजेसिएं कन्नै नमीं दिल्ली च बैठक कीती। मुख चुनां आयुक्त राजीव कुमार हुंदी अध्यक्षता च होई दी इस बैठक च चुनां आयुक्त ज्ञानेश कुमार ते सुखबीर सिंह संधू मौजूद हे। बैठक च मौसम विज्ञान विभाग राश्ट्री आपदा प्राधिकरण प्रबंधन ते सेहत मंत्रालय दे अधिकारी शामिल होए।

<><><><><><>

Manipur

मणिपुर च इंफाल पूर्व ते इंफाल पच्छिम जिले च 11 मतदान केंद्रें पर परतिए मतदान सुचारू ढंग्गै सिर चला रदा ऐ। बड्डलै 11 बजे तगर मतदान फीसद 37 अशारिया 5-4 फीसद रेआ। मतदान अधिकारी नै दस्सेआ ऐ जे लोकसभा चुनां दे पैहले गेड दे मतदान च 19 अप्रैल गी इनें 11 मतदान केंद्रें पर हिंसा, दंगा ते फर्जी मतदान दर्ज कीता गेआ ते परतिए मतदान दा अनुरोध कीता गेआ। एहदे मगरा अज्ज बड्डलै 7 बजे थवां संझा 5 बजे तर इनें सारे मतदान केंद्रें पर परतिए मतदान दा आदेश दिता।

<><><><><><>

Supreme Court

सुप्रीम कोर्ट नै महाराष्ट्र दी 14 बरें दी दुष्कर्म पीडिता दी गर्भावस्था चिकित्सकीय तरीके कन्नै खत्म करने दा आदेश दिता ऐ। पीडिता दी गर्भावस्था लगभग 28में हफते च ऐ। अदालत नै मुम्बई दे लोक मान्य तिलक अस्पताल दे डीन गी डॉक्टरें दी इक टीम गठित करने लेई आखेआ ऐ। इस पर औने आला सारा खर्च ते चिकित्सा जरूरत गी राज्य सरकार देग। अदालत दा आदेश चिकित्सकें आस्सेआ दिती गेई उस सिफारिश मगरा आया ऐ जेदे च आखेआ गेआ ऐ जे गर्भावस्था

जारी रौहने कन्नै नाबालिग दी शारीरिक ते भावनात्मक सेहत प्रभावित होग। मुख् न्याधीश डी.वाई चंद्रचूड ते न्यामूर्ति जे.बी पारदीवाला हुंदी पीठ नै गर्भवती नाबालिग दे मामले दी सुनवाई प्राथमिकता दे आधार पर कीती। दुष्कर्म पीड़िता दी मां दी याचिका पर सुप्रीम कोर्ट नै पैहले औदी मेडिकल जांच दा आदेश दिता हा।

<><><><><><><>

Earth Day

अज्ज विश्व पृथ्वी दिवस ऐ। दुनिया भरै च पर्यावरण संरक्षण सरबंधी जत्नें च समर्थन आस्तै एह दिन मनाया जंदा ऐ। इस बारी दा विशे ऐ गृह बनाम प्लास्टिक। पृथ्वी दिवस संयुक्त राष्ट्र आस्सेआ 22 अप्रैल 1970 गी घोशित कीता गेआ हा जिसलै कैलिफोर्निया दे तट पर व्यापक मात्रा च तेल फैली गेआ हा।

<><><><><><><>

Prez.

राष्ट्रपति द्रौपदी मुर्मू होर अज्ज राष्ट्रपति भवन च आयोजित नागरिक अलंकरण समारोह दौरान पद्म पुरस्कार भेंट कीते। साबका उपराष्ट्रपति एम. वेंकेड्या नायडु ते भरत नाट्यम नृत्यांगना डॉक्टर

पदमा सुब्रह्मण्यम होरें गी पद्म विभूषण कन्नै सम्मानित करे करदिआं न। कलाकार मिथुन चक्रवर्ती ते गायिका उषा उत्थुप होरें गी पद्म भूषण कन्नै सम्मानित कीता जा रदा ऐ। देसै दे सब्बनें शा बड्ठे नागरिक सम्मान या इक्क पद्म पुरस्कार बेहतरीन ते गैर ममूली सेवा ताईं त्रुं श्रेणिं च दिता जंदा ऐ। इंदे च पद्म विभूषण पद्म भूषण ते पद्मश्री सम्मान शामिल न।

<><><><><><>

Political Campaigning

आम चुनां दे दुए गेड़ लेई प्रचार आस्तै 2 दिन रेई गेदे न। बक्ख-बक्ख सियासी पार्टिं दे नेता मतदातां गी अपने पक्ख च करने लेई केई सारी रैलियां करा करदे न। इस गेड़ तैहत लोकसभा दे कुल 89 हल्के पर मतदान होना ऐ। दए गेड़ च केरल दी 20, कर्नाटक च 14, राजस्थान दी 13, उत्तर प्रदेश ते महाराष्ट्र दी 8-8, मध्य प्रदेश च 7, असम ते बिहार दी 5-5 पच्छिम बंगाल ते छत्तीसगढ़ च त्रुं-त्रुं ते त्रिपुरा ते जम्मू-कश्मीर च 1-1 सीटै पर 26 अप्रैल गी वोट पाए जाडन। गुजरात च लोकसभा चुनां आस्तै 328 मेदवारें ते विधानसभा उप चुनां आस्तै 27 मेदवारें दे नामांकन वैध पाए गए न। गांधी नगर

लोकसभा सीट पर सब्बनें थवां मते 30 मेदवार न ते अनुसूचित जनजाति आस्तै आरक्षित बारडोली लोकसभा सीट पर सब्बनें थवां घट्ट मेदवार न।

<><><><><><><><>

PM-Aligarh Rally

प्रधानमंत्री ते भाजपा दे वरिष्ठ नेता नरेंद्र मोदी होरें अलीगढ़ च चुनावी रैली गी संबोधित कीता। उनें विपक्षी दलें पर परोआरवाद ते तुष्टिकरण दी राजनीति करने दा आरोप लाया। मोदी होरें आखेआ जे मुख्य सोयां गरीबी, भ्रष्टाचार ते परोआरवाद गी खत्म करने दा एह सेई समां ऐ। उनें दोष लाया जे कांग्रेस ते सपा जनेइयां पार्टियां म्हेशां तुष्टिकरण दी राजनीति कीती ऐ। मुख्य दे अल्पसंख्यकें दी राजनीतिक, समाजिक ते आर्थिक तरक्की आस्तै किश नेई कीता। उनें लोकें सोयां वोट करने दी अपील कीती।

<><><><><><><><>

Amit-Shah

भारती जनता पार्टी दे वरिष्ठ नेता ते केंद्री गृह मंत्री अमित शाह होरें छत्तीसगढ़ दे कांकेर च इक चुनावी रैली गी संबोधित करदे होई

आखेआ जे नक्सलवाद हुन खत्म होने दी कगार पर ऐ। उनें आखेआ जे जेकर केंद्र च परतिए प्रधानमंत्री नरेंद्र मोदी हुंदी अगुवाई च भाजपा दी सरकार बनी तां अगले 2 बरे च छत्तीसगढ़ सोयां नक्सलवाद गी खत्म करी दिता जाग। उनें आखेआ जे छत्तीसगढ़ च भाजपा सरकार बनने मगरा 4 म्हीने च 90 सोयां मते नक्सली मारे गे न, 123 नक्सलियें गी गिरफ्तार कीता गेआ ते करीब 250 नक्सलियें आत्मसमर्पण कीता ऐ। अमित शाह होरें आखेआ जे पिच्छले 10 बरें दौरान केंद्र च मोदी सरकार नै आदिवासिएं दे कल्याण आस्तै नेकां गेंह पुटिआयां न।

<><><><><><><>

Lok Sabha Campaign

उत्तर प्रदेश च लोकसभा दी 8 सीटें गी लेइये चुनां प्रचार जोरें-शोरें कन्नै जारी ऐ। एह सीटां न अमरोहा, मेरठ, आगपत गाजियाबाद, गौतमबुद्ध नगर, बुलंदशहर, अलीगढ़ ते मथुरा। भारती जनता पार्टी दे वरिष्ठ नेता ते प्रधानमंत्री नरेंद्र मोदी होरें अलीगढ़ च पार्टी मेदवार सतीश गौतम हुंदे समर्थन च रैली गी संबोधित कीता। बहुजन समाज पार्टी प्रमुख मायावती बुलंदशहर ते गौतमबुद्धनगर च जनसभा गी

संबोधित करडन। समाजवादी पार्टी ते कांग्रेस दे केई नेता ते मेदवार बक्ख-बक्ख क्षेत्रें च चुनां प्रचार करा रदे न। आकाशवाणी संवाददाता दी रिपोर्ट मुजब उत्तर प्रदेश दी 8 लोकसभा सीटें पर पैहले गेड़ दे मतदान मगरा दुए गेड़ च मतदान च आम लोकें दे समर्थन गी जुटाने लेई सब्बै पार्टियां कोई कसर बाकी नेई छोड़ा रदियां न। एह चरण सत्तारूढ़ भाजपा ते विपक्ष दौनें लेई बड़ा महत्वपूर्ण ऐ की जे पिच्छले लोकसभा चुनां च 8 यां 7 सीटां भाजपा नै जित्तियां हियां। अपनी रैली राएं प्रधानमंत्री मोदी होर लोकें दा बद्दोबद्द समर्थन यकीनी करने दी कोशिश करा रदे न तां जे भाजपा अपनी बढ़त गी बरकरार रक्खी सकै।

<><><><><><>

Add Lok Sabha Campaign

लोकसभा चुनां दे त्रीए गेड़ लेई नां वापस लैने दा अज्ज खीरी ध्याड़ा ऐ। 10 राज्यें ते 2 केंद्र शासित प्रदेशें च 94 लोकसभा सीटें पर 7 मई गी मतदान करोआया जाग। इस गेड़ च गुजरात दी सारी 26, लोकसभा चुनां दे त्रीए गेड़ लेई नां वापस लैने दा अज्ज खीरी ध्याड़ा ऐ। 10 राज्यें ते 2 केंद्र शासित प्रदेशें च 94 लोकसभा सीटें पर 7

मई गी मतदान करोआया जाग। इस गेड़ च गुजरात दी सारी 26, कर्नाटक दी 14, महाराष्ट्र दी 11, उत्तर प्रदेश दी 10, मध्य प्रदेश दी 8, छत्तीसगढ़ दी 7, बिहार दी 5, असम ते पच्छिम बंगाल दी 4-4 गोआ, दादरा ते नागर हवेली ते दमन दीप दी 2-2 सीटें ते केंद्र शासित प्रदेश जम्मू-कश्मीर दी इक सीट शामिल ऐ।

<><><><><><><>

Last-Campaign

असम च त्रीए गेड़ च 4 सीटें पर वोट पाए जाने न। इस गेड़ च 52 मेदवारें दे नामांकन पत्र वैध पाए गए जिसले कि कोकराझार सोयां मौजूदा सांसद नबा सरानिया सने 8 मेदवारें दे नामांकन खारिज करी दिते गए।

<><><><><><><>

Dr. Jatinder Singh

लोकसभा चुनाएं दे दुए गेड़ दे मतदान लेई प्रचार मुक्कने च हुन छड़े दऊं दिन गै बाकी रेही गेदे न तां बक्ख-बक्ख पार्टिं दे नेता मतदाताएं गी अपने पक्ख च करने ते अपने मेदवारें लेई समर्थन हासल करने गितै इक दे बाद इक रैलियां ते रोड शो करै करदे न।

इस गेड़ तैहत 13 राज्यें दिएं 89 लोकसभा सीटें लेई मतदान होग।
भारती जनता पार्टी आस्सेआ अज्ज जम्मू च पंजतीर्थी थमां लेइयै
सिटी चौक तगर इक रोड शो कड्ढेया गेआ जेदा मकसद बीजेपी
मेदवार जुगल किशोर शर्मा हुंदे लेई समर्थन हासल करना हा। केंद्री
मंत्री डॉक्टर जितेंद्र सिंह होरें बी एहदे च शिरकत करियै लोकें गी
संबोधित कीता।

<><><><><><>